

籽英居士評點

羅浮陳復正飛霞輯

廬陵劉勳案孟校

滋陽周宗頤虛中參

○欬嗽證治

帝曰肺之令人欬何也岐伯曰五臟六腑皆令人欬非獨肺也又曰邪在肺則病皮膚痛寒熱上氣喘汗出欬動肩背○夫肺為華蓋口鼻相通息之出入氣之升降必由之路故專主氣經曰形寒飲冷則傷肺由兒衣太薄及冷飲之類傷於寒也經曰熱傷肺由兒衣太厚愛養過溫傷於熱也又曰皮毛者肺之合皮毛先受邪氣邪氣得從其合使氣上而不下逆而不收充塞咽嗑故令欬嗽也

幼幼集

卷之三

欬嗽證治

凡有聲無痰謂之欬肺氣傷也有痰無聲謂之嗽脾濕動也有聲有痰謂之欬嗽初傷於肺繼動脾濕也小兒由風寒乳食不愼而致病者尤多經曰五臟六腑皆令人欬然必臟腑各受其邪而與之要終不離乎肺也但因痰而嗽者痰為重主治在脾因欬而動痰者欬為重主治在肺以時而言清晨欬者屬痰火午

前嗽者屬胃火午後嗽者屬陰虛黃昏嗽者火浮於肺五更嗽者食積滯於三焦肺實者頓嗽抱首面赤反食肺虛者氣逆虛鳴面白飧泄肺熱者痰腥而稠身熱喘滿鼻乾面紅手捏眉目肺寒者嗽多痰清面白而喘惡風多涕治者各因其虛實寒熱而調之斯無誤矣

因於寒者則氣壅喘促聲濁而無汗鼻塞聲重宜參蘇飲微汗之欬而氣喘面白有痰此肺本經病宜清肺欬甚葶藶丸微利之

欬而喉中介介有聲。面赤發熱。心煩。或咽喉痛。聲啞者。此肺病兼見心證。宜清寧散。咽喉痛。沉瀝丹。

欬而面黃體倦。痰涎壅盛。或吐痰吐乳。此肺病兼見脾證。大抵欬嗽屬脾肺者居多。以肺主氣。脾主痰。故也。宜橘皮湯。

欬而面青多怒。痰涎壅盛。而發搐者。蓋因欬嗽聲不能轉。所以瞪目直視。此肺病兼見肝證。宜集成金粟丹。

欬而面色闇黑。或吐痰水。此肺病兼見腎證。宜六味地黃丸。加麥冬、五味。

欬而聲不出口。鼻出血者。此氣逆血亦逆也。須順氣寧嗽為主。宜人參冬花膏。

欬久不止。並無他證。乃肺虛也。只宜補脾為主。人參五味子湯。欬而胸高骨起。其狀如龜者。謂之龜胸。此肺熱之極。清燥救肺湯。

幼幼集成

卷之三

欬嗽證治

欬而日久。胸前疼痛。口吐膿血。腥臭者。此肺火壅盛。已成癰也。桔梗湯治不如法。其證多死。

凡欬嗽痰涎壅塞。逆氣冲併。而作搐者。多難治。故頭搖目上視。及閉目呻吟。手足搖舞。肩息。胸突。喉中痰鳴。口噤不乳。喘而手足冷。皆死證也。

○入方

人參敗毒散。此方辛平升散。為欬門第一方。凡有欬嗽。無論內傷相應。即用此方升散之。或感冒重者。服此其欬愈甚。不知者以為藥不相符。棄而勿服。孰知正是佳兆也。再服之。漸次輕減。不拘劑數。只以聲嚮痰出為度。枯燥之人。數劑之後。略加沙參。玉竹。當歸。白芍。生地。麥冬。之類。以滋其陰。無不愈。若有可參。凡欬嗽初起。切不可誤用寒涼。及滋陰之藥。閉其肺竅。為害不小。但以辛散為先。著候痰應之後。漸加滋陰。則得矣。

- 人參 五七分 不
- 桔梗 錢二
- 川芎 錢一
- 雲苓 錢一
- 枳殼 錢一
- 胡一 錢一
- 羌活 七分
- 獨活 五分
- 柴胡 錢一
- 薄荷 錢一
- 荆穗 錢一
- 防

此方方序云
治傷寒瘟疫風
溼風眩風痰頭
痛目眩四肢痛
階痰壯熱項強
時表並無治欬
之說大抵欬症
之由於風寒者
用此方
表之類
解而欬自

愈若以為治效
之專方則大誤
矣。原方無潤
防薄熱乃外科
加之治熱毒
者不可不知。

氣逆則不可更
用升提有痰則
更用滋潤

風錢 連翹錢 甘草五分

生薑一片為引水煎半饑服。

參蘇飲 治四時感冒頭痛發熱欬嗽痰盛然不如前方之效。

人參五分 雲苓錢一 枳殼錢一 半夏錢一 前胡錢一 桔梗錢一

蘇葉錢一 乾葛錢一 陳皮錢一 甘草五分

生薑三片葱白三寸水煎溫服取微汗。

清肺飲 治氣逆而效面白有痰。

前胡錢一 柴胡錢一 桑皮五分 枳殼錢一 知母錢一 貝母錢一

甘草五分 雲苓錢一 桔梗錢一 阿膠錢一 麥冬錢一 荊穗錢一

薄荷七分水煎熱服切忌油膩。

葶藶丸 治乳食衝脾傷風欬嗽面赤身熱痰多喘嗽。

葶藶 去土隔紙略炒。黑牛 炒。杏仁 去皮尖炒。防已 炒。

幼幼集成 卷之三 欬嗽證治

右藥等分。為末。入杏仁泥和蒸棗肉為丸。葶豆大。每服五七九。

薑湯化下。量兒大小加減。

此丸因乳食傷脾。痰甚者及壯實小兒可用之。若非飲食所傷。

而怯弱者。本方去牽牛。易家蘇子等分。炒研為丸。效。

清寧散 治心肺有熱而令欬嗽宜從小便利出。

桑白皮 炒。葶藶 微炒。茯苓 酒炒。車前子 炒。甘草 減半。

右為末。每服五分。生薑大棗煎湯調服。

集成沈瀧丹 方見二卷胎疾門。

橘皮湯 治欬嗽痰甚嘔吐。

法半夏錢一 雲苓錢一 陳皮錢一 旋花錢一 細辛五分 人參五分

桔梗錢一 枳殼錢一 甘草五分

生薑三片大棗一枚水煎徐服。

徐服沙肺位高
若服則大勢
下趨反不能治

上傷之病。觀古
人治欬丸散多
於湯。可喻其
理。欬證滋潤太早。
必致壅塞肺氣。
引入虛勞之門。
此方二冬。阿膠。
五味宜去之。

此方應加炮薑
一錢五分。以所
治之證多虛寒
也。

乘成金粟丹 方見二卷類 協明

六味地黃湯 方見二卷胎 疾門

參冬花膏 治氣逆欬血痰中帶血

人參 天冬 麥冬 款花 貝母 桑皮 阿膠 黃芩

當歸 已上各 五味 甘草 各五

右為末。煉蜜丸如龍眼核大。每服一九。燈心湯下。

人參五味子湯 治久欬脾虛中氣不足面自唇白。

人參 漂木 雲苓 五味 麥冬 甘草

生薑三片。大棗三枚。水煎溫服。

清燥救肺湯 喻嘉言製 治諸氣膈鬱諸痿喘嘔皆屬肺之燥也。

桑葉 經霜者得金氣而柔潤 炙草 和胃生 熟膏 稟清肅之
不凋取之為君用二錢 甘草 肺一錢 石膏 氣極清肺

熟用一 人參 肺之氣七分 麻仁 炒研 阿膠 八 麥冬 法

幼幼集成 卷之三 欬證治

一錢 杏仁 泡去皮尖 枇杷葉 一片刷去毛
二分 炒黃七分 枇杷葉 蜜塗炙黃用

水一碗煎六分頻頻分三二次服痰多加貝母瓜蒌血虛加生

地黃熱甚加犀角羚羊角

桔梗湯 治肺癰出膿血

桔梗 杏仁 當歸 貝母 瓜皮 防己 枳殼

黃耆 桑葉 玄麥 各一 薏仁 二

用蘆茅嫩根三錢為引水煎熱服

○百晬嗽論

凡乳子百日内有痰嗽者謂之百晬嗽。或出胎暴受風寒。或浴兒
為風所襲。或解換襪裳。或出懷喂乳而風寒得以乘之。此病由
外來。或乳汁過多吞嚥不及而噎者。或啼哭未定以乳哺之氣
逆而嗽者。此病由內生。皆能為嗽。第汗下之劑不。便用之以其

玄麥不宜用

乳母之起居飲食無不與兒相關涉不可不慎

師巫女嫗用其邪說最易惑感女信陰害大事百病叢生者知有此輩在內即當婉言辭退不可因循容與愚受其累

胃氣方生不能勝藥故也。故曰白晬嗽難醫。然雖曰難醫未嘗不醫也。予之治此未嘗不多。有案在後。復有不治之治。而又百治百愈。但須乳母聽戒耳。凡遇百晬嗽。先用荆防敗毒二小劑。母子同服。服完止藥。惟令乳母忌口。凡葷酒油膩鹽醋酸鹹薑椒辛辣青菜麩食之類一概屏絕。惟用香茶白飯。少佐橘餅橙片以清其乳。雖兒嗽至重者。不過十日八日。得舖清乳。嗽自愈矣。倘不聽戒。復不擇醫。徒然服藥。有名無實。竟何益哉。

○附案

遂陽明經高君作梅與令弟雲軒同於甲寅五月舉子。然皆膏粱之稟。胎元怯弱。於七月間。兩兒同患百晬嗽。予謂雲翁曰。公郎面白唇淡。白眼帶青。嗽聲連續。痰不相應。此肝風有餘。肺氣不足。雖有喘嗽。未可以常法治之。設投疎風清肺。適足益燥傷陰。

幼幼集成 卷之三 百晬嗽案

不特嗽不能愈。而證必加重。雲翁深以為是。乃投人參五味子湯。其應如響。四劑全瘳。計用人參二錢八分。作翁者其體更弱。外候面白。眼青。自汗多。嗽滿頭。青筋。顙門寬大。因謂之曰。令姪正同此證。已服補脾保肺之劑。愈矣。公郎中氣更虛。速宜用參。始不費手。適有老嫗專挑馬牙者。從內阻之。復有醫者。從外阻之力。言不可用參。服參則不可治。且云未見百日之兒敢用參者。老嫗更囑其母曰。道翁丸藥。其中多有人參。服之為害不淺。其母以為誠然。視子藥如砒毒。作翁因素艱嗣息。莫能張主。予見其遲疑。亦不敢強。此醫曰。一診視。自七月下旬。至十月初旬。其病愈治。愈危。醫者束手。乏策。老嫗亦緘口無言。絕迹不至矣。夫人輩無所倚仗。復懇於予。予歎曰。早聽予言。何有今日。乃入診視。見其面目如藍形體。椎皮束骨。聲啞無音。欬嗽氣促。兩汗

感按此證當用
參附湯方用人
參三錢附子一
錢木煎服

妙在少服之
頻頻與之

皆用參附湯不
過三日即可全
愈矣

淋漓四肢搐掣逆證全具毫無生機因不忍釋手詳為審視惟
兩目神光尚存予曰生機或在是乎遂以大參一枝桂圓五粒
蒸湯與服初服小半予為抱之環步室中審其呼吸氣雖未減
而亦不見其增即與服完良久覺氣稍順予喜曰得之矣遂用
大參二錢桂圓肉七粒蒸湯服之是夜汗搐俱止喘嗽亦略輕
減第苦於人小體弱即二錢之參湯亦須一夜方能服完幸予
此時行功習靜數載未嘗設榻竟與終夕抱之晝夜不一釋手
醒即與服服後仍睡數日之後睡眠極穩呼吸極長予知為氣
復神歸之效如此者十晝夜諸證已愈八九惟形色未復聲音
未亮予曰功程雖半未敢暫停參須倍之於是每日大參四錢
桂圓十四如前調理計前後二十晝夜共用官揀六兩有零於
是聲音清亮面色紅融肌肉復生精神勝舊今已長成儼然美
人耳

幼幼集成

卷之三

百醉嗽案

六

丈夫矣而且聰明特達經史皆通他日翱翔奚能限量如此之
證如此之治不特世人未見醫家未聞即諸書亦所未載半週
乳子而用六兩之參起沈疴於萬難之日苟無定識未必有成
故拜懇同道但須認證真確不必拘泥古方神而明之存乎其
人耳

或問二證皆百醉嗽何以前證用藥而後證獨用參也曰各有
理焉前證在七月間正肺全旺時為風邪衝併但傷其中氣他
臟無涉故以四君子補脾清脈散保肺收其耗散之金得返清
肅之令中氣一回應手而愈後證自七月起至於十月金已退
氣正當水旺木相之時曰腎水無源所以肝木失養母病子傷
故面目俱青手足搐掣此非肝強實肝敗也常俗之輩見其搐
掣又必為之鎮驚化痰截風定搐矣不知此等之證陰陽兩敗

非大力之品。莫可挽回。所以屏去雜藥。獨用人參之甘溫。桂圓之甘潤。味極純正。飼之兒喜。況人參之力在陰益陰。在陽益陽。榮衛氣血。精神意智。無不補者。而且晝夜不徹。則真元陰受其長養之功。烏得不效。又曰。初服即效。而必待三七日始奏全積。何也。曰。剋削過傷。枯燥已極。如旱苗焦。壞暴雨無裨。必淙淙潤澤。始獲昭蘇。至於三七天地來復之機。業已三至。人身榮衛升降。有恆神氣已足。不藥之慶。夫復何疑。此等之治。非謂世之嬰兒一有欬嗽。便當用參。第稟受先虧。胎元怯弱者。有不得不用之勢。乃前醫偏執已見。即數分之參。斷不肯用。孰知用至六兩之多。始收全效。可見辨證不真。恨人非淺。故筆之以為擇醫者勸。

○欬嗽簡便方

幼幼集成 卷之三 百辟嗽案

此證用五味別音呼矣。

小兒欬嗽聲不出者。紫苑微炒研末。杏仁去皮尖研如泥。等分煉蜜為丸。芡實大每服一九。北五味七粒煎湯化服。

肺實欬嗽痰喘。葶藶子隔紙炒為末。棗肉為丸。龍眼核大每服一九。白湯化服。

欬嗽多痰。葶藶子隔紙炒。知母微炒。各五錢研末。砂糖為丸。芡實大每服一九。白湯化下。

小兒喘嗽發熱。自汗吐紅。脈虛無力。人參切片焙乾。天花粉切片酒炒。等分為末。每服五分。蜜湯調服。以瘥為度。

秋天肺燥。欬嗽無痰。北沙參一味。每服五錢。淨水濃煎。熱服。

小兒百嗽。嗽痰壅喘。欬川貝每五錢。淡薑湯潤。濕飯上蒸過。甘草半生半炒。二錢五分。研細末。沙糖為丸。龍眼核大每一九。米飲化服。

熱痰欬嗽痰出稠濃或咽喉痛製南星製半夏各三錢半枯黃芩七錢焙乾為末沙糖為丸芡實大每服一九薑湯化下

○哮喘證治

經曰犯賊風虛邪者陽受之陽受之則入六府入六府則身熱不得臥上為喘呼又曰肺病者喘欬逆氣肩背痛汗出

夫喘者惡候也肺金清肅之令不能下行故上逆而為喘經曰諸氣臏鬱皆屬於肺喘者肺之臏鬱也

吼者喉中如拽鋸若水鷄聲者是也喘者氣促而連屬不能以息者是也故吼以聲音言喘以氣息名凡喉如水鷄聲者為實喉如蘇聲者為虛雖由於痰火內鬱風寒外束而治之者不可不分虛實也

有因外感而得者必惡寒發熱面赤唇紅鼻息不利清便自調邪

幼幼集成

卷之三

欬嗽簡便方

八

在表也宜發散之五虎湯

有因熱而得者必口燥咽乾大小便不利宜葶藶丸微下之

有因宿食而得者必痰涎壅盛喘息有聲先用山查神麴麥芽各

三錢煎湯與服消其食次千縉湯

素有哮喘之疾遇天寒暄不時犯則連綿不已發過自愈不須上

方於未發時可預防之有一發即能吐痰者宜服補腎地黃丸

加五味故脂多服自愈有發而不吐痰者宜痰喘方

凡哮喘初發宜服蘇陳九寶湯蓋哮喘為頑痰閉塞非麻黃不足

以開其肺竅放膽用之百發百中

或胸膈積熱心火凌肺熱痰壅盛忽然大喘者名馬脾風蓋心為

午火屬馬言心脾有風熱也小兒此證最多急治之用牛黃奪

命散下之效

此證宜厚朴枳
殼白朮麥芽甘
草各一二錢水
煎服

此證宜理中湯
方用雞黨參漂
白朮乾姜炙草
各一二錢水煎
服證重者重用
之
此證宜參附湯
方用高麗參三
方錢熟附子一
二錢或三錢水
煎服如錢重者
加用之或與理
中湯相間服

既為寒邪入肺
寒痰固結即宜
溫之何以更用
石膏疑於題義
右所未盡也此
證疑用金匱小

青龍加石膏湯

痰閉肺竅應開
竅行痰方為合
法此方但痰痰
而不開竅未為
盡應加杏仁
各五錢
用藥各有所宜
此證宜用崔氏
八味丸方用熟
地黃八兩山藥
黃肉各四兩丹
皮澤瀉茯苓各
二兩附子二兩
肉桂一兩暖腎
以行水
痰入肺竅與前
干瀉湯治相同

凡大病久病或久服寒涼劑或久吐久瀉之後忽然氣急似喘
非喘氣息短促名為短氣氣將脫矣人參五味子湯效
又有虛敗之證忽然張口大喘入少出多而氣息往來無滯此腎
不納氣浮散於外大凶之兆速投貞元飲不效理陰煎加人參
鹿茸或可挽救
如汗出如油髮潤而喘者肺絕也汗出如油張口大喘者命絕也
直視譫語而喘者肝絕也凡大病正氣欲絕無根脫氣上衝必
大喘而絕矣

入方

五虎湯 治寒邪入肺寒痰固結而作船艸非此方不能解散

麻黃七分 杏仁錢一 細茶錢一 石膏錢五 甘草四分

水煎空心服

幼幼集成 卷之三 哮喘證治

葶藶丸 方見三卷咳嗽門

干瀉湯 治痰閉肺竅喘息有聲

半夏錢二 皂角五分 生薑錢一 甘草錢一

水煎服 已上皆素無哮喘而暴發者用

補腎地黃丸 治先天不足肝腎皆虛

熟地黃 山藥 山肉各一 嫩茸 淮膝各二 丹皮 雲苓

澤瀉 五味 補脂各一

右為末蜜丸菉豆大每服三錢淡鹽湯空心下

痰喘方 治哮喘無痰者益痰入肺竅不能出故也

人參 製星 半夏 瓜霜 香附 解灰 陳皮 炒

蘿蔔子炒 俱等分

共為末薑汁煮 神麴糊丸麻子大每服一錢薑湯化下

蘇沈九寶湯 治風寒閉肺而作哮喘。

麻黃 陳皮 薄荷各五分 肉桂心 紫蘇 桑皮 腹皮

杏仁各四分 甘草

生薑三片水煎臨服加重便少許沖服。

牛黃奪命散 治胸膈有痰肺脹大喘。

黑牛頭末五錢 生酒潤 枳殼 炒各

右為細末每服一錢五分白湯調下量兒大小加減臨服加蜜數匙以氣平為度。

人參五味子湯 方見三卷咳嗽門。

貞元欬 景岳新方。○治氣逆似喘呼吸急促提不能升。燕不能降。肝腎已敗。此子午不交氣脫證也。

熟黃五錢 當歸三錢 炙甘草一錢

幼幼集成 卷之三 哮喘證治

十

水煎熱服

如兼嘔惡或寒者加煨薑五片氣虛脈微至極者速加人參如肝腎陰虛手足厥冷加肉桂一錢

理陰煎 景岳新方。○治腎肝虧敗不能納氣浮散作喘。

熟地黃三錢 當歸二錢 炮灰五錢 炙甘草一錢

手足冷者加熟附子一錢肉桂一錢

水二鍾煎七分熱服

○哮喘簡便方

治痰氣壅塞雪梨汁一杯生薑汁四分之一蜂蜜半杯薄荷細末

一兩和勻器盛重湯煮一時之久任意與食。咳痰如奔馬

化痰丸絲瓜燒存性為細末棗肉為丸如彈子大每服一九薑湯

化下化痰最捷兼能止嗽

若治肝腎陰虛木方是矣。而以肉桂治陰虛。誤矣。疑是陽虛也。

墜痰丸治一切風痰濕痰老痰痰火胸滿氣塞黑牽牛四兩炒止
取頭末一兩大皂角去皮弦及子酥炙黃四錢生白礬三錢共
為細末米糊丸每服一錢兒稍大者二錢空心薑湯服痰涎從
大便出久病之人五日十日一服病緩者半月一服

治醋噎成吼用甘草二兩去赤皮每段切二寸長兩半劈開用猪
膽二枚取汁浸甘草三日取起火上炙乾為末蜜丸棗豆大每
晚臨臥服二錢茶湯送神效

哮喘久不止不拘老幼一服即止并治小兒乳哮石膏半夏萆
仁陳皮麻黃各一錢五分枳實杏仁各一錢甘草七分生薑五
片水煎熱服

清金丹治一切吼疾或痰或食遇厚味即發者尤妙蘿蔔子蒸熟
晒乾為末猪牙皂燒存性等分共為細末薑汁打麩糊丸棗豆

幼幼集成 卷之三 哮喘證治

大每服一二十九薑湯送下

諸疳證治

大疳病亦小兒惡候十六歲以前為疳十六歲以後為癆皆真元
怯弱氣血虛衰之所致也其源莫不由於脾胃蓋胃者水穀之
海也水穀之精氣為榮悍氣為衛榮衛豐盈灌溉諸臟凡人充
皮毛肥腠理者氣也潤皮膚美顏色者血也所以水穀素強者
無病水穀減少者病水去穀亡則死矣凡病疳而形不魁者氣
衰也色不華者血弱也氣衰血弱知其脾胃必傷有因幼少乳
食腸胃未堅食物太早耗傷真氣而成者有因甘肥肆進飲食
過飧積滯日久面黃肌削而成者有因乳母寒熱不調或喜怒
房勞之後乳哺而成者有三三歲後恣啖穀肉菓菜停滯中焦
積久成疳復有因取積耗損胃氣或因大病之後吐瀉瘧痢乳

此證所列各方均不甚得法惟為梅丸頗與相宜或以桂氏八丸與六君子湯間服嘗有效者若依所列各方恐不能愈病反受其害也烏梅丸方見傷寒論厥陰篇

食減少以致脾胃失養雖所因不同然皆總歸於虛也其證頭
皮光急毛髮焦稀思縮鼻乾口饑唇白兩眼昏爛捺眉擦鼻脊
聳體黃鬪牙咬甲焦渴自汗尿白瀉酸肚脹腸鳴癖結潮熱
嗜瓜菓鹹炭水泥者皆其候也然治寒以溫治熱以涼雖用藥
之常法然疳之為病皆虛所致即熱亦虛中之熱寒亦虛中之
寒積亦虛中之積故治積不可驟攻治寒不宜峻溫治熱不可
過涼雖積為疳之母而治疳必先去積然遇極虛者而迅攻之
則積未去而疳危矣故壯者先去疾而扶胃氣衰者先扶胃氣
而後消之書曰壯人無積虛則有之可見虛為積之本積反為
虛之標也如惡食滑瀉乳食直下牙齦黑爛頭項軟倒四肢厥
冷下痢腫脹面色如銀肚硬如石肌肉青黑肛門如筒口吐黑
血吐利蛔蟲並為不治

幼幼集成

卷之三

諸疳證治

一初病者以集聖丸為主久病者但以肥兒丸調之以補為消可也

凡疳之初起者集聖丸為主方其有五臟兼證從權加減不必多求方法

○入方

集聖丸

治冷熱新久一切疳證

蘆薈

酒蒸

五脂

炒

夜砂

炒

廣皮

酒炒

青皮

醋炒

蓬朮

煨

使肉

炒

木香

煨

當歸

炒

川芎

酒炒

人參

片

焙乾

川連

製

乾蟾

酥炙

西仁

酒炒

砂仁

二錢

右為細末用公猪膽一枚取汁將前末和勻粟米糊丸龍眼核

大每服一九米飲調下

○各證加減法

蘆薈蟾蜍雖有
所本然用之不
當反以貽害不
如去此二味之
為穩妥也

一病有咬牙舒舌上生瘡愛飲冷水唇紅面白喜伏地臥此心
疳也本方去莪朮砂仁青皮陳皮川芎木香六味加生地茯苓
膽星各二錢朱砂甘草各一錢

一面青目生白膜泄瀉夾水或青色此肝疳也本方去莪朮砂仁
陳皮木香四味加膽草梔仁防風天麻蟬蛻各二錢青黛一錢
五分

一愛食泥土冷物飲食無度身面俱黃髮稀作穗頭大項小腹脹
脚弱間或泄瀉肌瘦晝涼夜熱不思乳食此脾疳也專用本方
一鼻下赤爛手足枯細口中腥臭或作喘嗽右腮晃白此肺疳也
本方去莪朮砂仁青皮川芎木香五味加桑皮桔梗蘇葉阿膠
炙草各二錢外用澤蘭葉銅綠輕粉等分爲末貼爛處

一兩耳內外生瘡脚如鶴膝頭縫不合或齒縫臭爛變成走馬疳

幼幼集成

卷之三

諸疳證治

此腎疳也本方去莪朮砂仁青皮陳皮木香靈脂六味加熟地
茯苓山藥萸肉各三錢丹皮澤瀉各二錢

一食積久而成疳其證形瘦腹緊時發潮熱見生人則哭本方去
蘆薈靈脂二味加人參黃耆白朮茯苓半夏枳實厚樸炙草神
麩麥芽鱉甲三稜各二錢

一久泄不止胃虛成疳此疳瀉也本方去蘆薈莪朮靈脂三味加
白朮茯苓肉蔻桐子各二錢加人參三錢

一久痢不止胃虛成疳此疳痢也本方去蘆薈莪朮青皮靈脂四
味加柯子肉建蓮肉各三錢

一瘧久未已胃虛成疳此必有癖謂之疳瘧本方去蘆薈靈脂二
味加黃耆鱉甲柴胡半夏神麩三稜各二錢倍人參三錢

一腦疳皮毛光急滿頭瘡餅腦熱如火髮結如穗遍身多汗臃腫

顛高。令兒眼痛。其病在肝。本方去莪。莪。砂仁。青皮。陳皮。四味。加膽草。川芎。升麻。羌活。防風。各二錢。

一脊疔。蟲食脊脊發熱。黃瘦。煩渴。下痢。背如鼓鳴。脊骨如鋸齒。或十指皆瘡。頰。指。甲。宜安。蟲丸。蓋五疔。或有停食。成積。積久。生蟲。或如絲髮。如馬尾。多出於頭項。背腹之間。蟲色黃白赤者。可治。青黑者難治。安蟲丸。卽本方。去莪。莪。砂仁。青皮。陳皮。當歸。川芎。六味。加苦練根。白皮。貫眾。蕪荑。檳榔。各二錢。

一蛔疔。縷眉多。哭嘔吐。清沫。腹中乍痛。痛時腹中有塊。摸之梗起。滿肚青筋。唇口紫黑。腸頭。嚙。癢者。是也。蛔從口鼻出者難治。宜安蟲丸。

一丁奚疔。手足極細。項小骨高。尻削體瘦。腹大臍突。號叫胸陷者。是也。集聖丸。

幼幼集成

卷之三

諸疔證治

十四

一哺露疔。虛執往來。頭骨分開。翻食吐蟲。煩躁嘔噦者。是也。集聖丸。

一無辜疔。因浣衣。夜露被無辜鳥落毛所污。小兒服之。身體發熱。日漸黃瘦。腦後項邊有核。如彈丸。按之隨動。軟而不痛。其中有蟲。如米粉。宜刺破其核。以膏藥貼之。內以本方。去莪。莪。砂仁。靈脂。三味。加黃耆。鼈甲。檳榔。各二錢。

一疔熱。由於胃脾虛弱。陽浮於外。氣不歸元。以補脾為主。使陽氣收斂。熱自退矣。用參苓白朮散。多服爲妙。陰虛者兼服六味地黃丸。

一瘡渴。由胃氣下陷。津液不升。故也。宜補其胃。使清陽上升。津液漸生。渴自止矣。七味白朮散。

一走馬疔。蟲病也。齒屬腎。腎虛熱邪直奔上焦。初起口臭。名曰臭。

息次則齒黑名曰崩砂甚則齩爛名曰潰槽有血迸出名曰宣露甚至齒皆脫落名曰腐根縱得全活齒不復生外證腦熱肌瘦手足如冰寒熱時有滑泄肚痛口臭乾渴齒齩潰爛爪甲齩黑身多瘡疥痘疹之後多有此證不可救治毒歸於腎故也初起者清胃散另有治法在齒牙門

一敷病兒將週歲母復有娠兒飲其乳謂之魃暗乳以成此證蓋母之血氣若調乳則長養精神血氣一病乳則反為病根母既妊娠氣壅血鬱小兒神氣未全易於感動其候寒熱時作微微下利毛髮鬢鬢意殊不悅甚則面色痿黃腹脹青筋瀉青多吐日漸尪羸竟成此證俗以孕在胎中因兒飲乳其魄識嫉而致兒病故謂之胎妬龍膽湯

一骨蒸之病多起於胃其始也邪火上冲而能啖火消爍而善饑

幼幼集成

卷之三

諸疳證治

蓋胃為氣血之海氣血不足邪火殺穀水穀之精氣不足濟之漸成口穢煩躁夜熱朝涼毛焦口渴氣涎盜汗形如骨立謂之消癯若大便日十餘行肢瘦腹大頻食多饑謂之食併此皆邪火為害耗傷津液所致大肥兒丸

○入方

參苓白朮湯

治脾胃虛弱飲食不進或嘔吐瀉痢及大病之後補救脾胃此方如神

人參

焙切

白朮

炒

雲苓

蒸乳

懷藥

炒各一

桔梗

苡仁

炒

蓮肉

去心

甘草

各一

其為細末每服一二錢薑棗湯調服

大味地黃丸

方見二卷胎疾門

七味白朮散

方見三卷泄瀉門

清胃散

治走馬牙疳

此方不穩然脾胃虛弱之人過服則反滯由生熱宜加入流動之品為佳

此方宜加厚樸

學擬用只壳

黃連 當歸 升麻 生地 丹皮 白芷等分 細辛減半

水煎熱服

龍膽湯 治小兒魅病

草龍膽 鉤藤 柴胡 桔梗 芍藥 川芎 人參

雲苓 各一錢 甘草 五分

井水煎服外以夜明砂不拘多少以紅紗作一小袋盛之繫兒

胸前

大肥兒丸

人參焙切 山肉炒 漂木炒土 眞皮炒 蓬莖炒 厚樸薑製

六翅炒 黃連薑製 胡連炒 靑皮醋 雲苓蒸 白芍炒酒

使肉炒 澤瀉炒 肉蔻煨 檳榔 川芎炒 柴胡炒酒

骨皮炒 乾蟾煨 甘草各五錢 穀蟲兩

幼幼集成

卷之三

諸疳治

十六

其爲末煉蜜爲丸彈子大米飲湯下

加減肥兒丸 治久病成疳體虛不可以前法治之只宜久服此丸

人參焙切 黃耆蜜炙 漂木炒土 雲苓蒸 廣皮炒酒 靑皮醋炒

歸身洗 鼈甲炙 川連薑製 木香屑 使肉炒 乾蟾酥炙

甘草等分

右爲細末另以由藥打糊爲丸量兒大小加減日日服之以米

湯調下病愈藥停

○疳證簡便方

小兒疳積肚大黃瘦骨立頭上瘡痂髮如麥穗用乾蟾蜍三五隻

去四足以香油塗之炙焦爲末蒸黑棗去核取肉搗膏和蟾末

爲丸龍眼核大每日三服橫垢自下多服之形容自變其病如

失

方中蟾蜍雖有
所本不宜用
香肉胡黃連澤
瀉肉極極極
宜去之

此方用意又不
如前方之密無
庸如此重查也

又方。買天漿蟲四兩。洗極淨。曬乾。微炒爲末。加甘草細末五錢。米糊爲丸。彈子大。每服一丸。米飲下。

小兒諸疳。日久。身面生瘡。爛成孔。曰如大人楊梅瘡。樣用蒸糯米飯時。甑蓋四邊。滴下氣水。以碗盛取。掃瘡上。數日。即效。百藥不驗者。此方如神。

疳蝕口鼻。用糞蛆洗漂極淨。曬乾。微炒爲末。褐衣。燒灰。減半。共研勻。頻吹口內。效。

小兒口乾。破爛人中白。煨過厚。黃蘗蜜炙焦。二味等分。少加水片。共研末。以鹽茶洗口後。以藥搽之。

走馬牙疳。及齒齲腐爛黑。臭者。用溺壺內多年積垢。名人中白。煨紅一兩。兒茶五錢。黃蘗薄荷青黛各一錢。冰片三分。共研細末。

先以溫水漱口。然後吹藥於疳上。每日六七次。吹藥之時。涎從

幼幼集成 卷之三 諸疳證治 十七

外流者爲吉。涎收向內。香毒入裏也。不治。

牙疳鼻疳。人中白煨一錢五分。毛褐灰枯白礬各一錢。爲細末。濕者乾搽。乾者先以香沖潤濕。然後搽藥。

急疳蝕闕口鼻。欲死海中紫貝子煨過。俗名南蛇牙齒。又名蚌螺。嶺南稱狗支螺者是也。炭火煨過爲末。臘猪油調塗。

牙疳潰爛。穿唇破舌。併治口瘡。胡黃連五分。膽礬兒茶各一錢五分。共爲細末。搽之。

○嘔吐證治

經曰。諸逆衝上。皆屬於火。諸嘔吐酸。皆屬於熱。又曰。寒氣客於腸

胃。厥逆上出。故痛而嘔。○夫陽明胃氣以下行爲順。今逆而上行。故作嘔吐。其證有聲。有物。謂之嘔。有物無聲。謂之吐。有聲無物。謂之噦。又曰。乾嘔。久病見此者死。蓋小兒嘔吐。有寒。有熱。有